

**ATORAN SAMBAYANG AKAN ANDAU MINGGU BAHASA DAYAK NGAJU  
MINGGU, 12 MEI 2024**

---

**1. PERSIAPAN / INTROITUS**

- a. Doa Konsistori
- b. Berita Jemaat

c. **UNGKUP MENDENG** tuntang manyanyi bara...

...**Nyanyin Ungkup 110 : 1 - 3 “ HAS HANJAK-HANJAK ITAH TOH ”**

d. Presbiter

**2. VOTUM TUNTANG AUH TABE (P)**

“Pandohop itah huang aran Tuhan, ije jari manjapa langit tuntang petak, ije jari mahaga janjie sampai katatahie, ije dia maku manalua kare tampan lenge”

“Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus” Amen.

**( UNGKUP TAU MUNDUK )**

**3. UNGKUP MANYANYI bara Nyanyin Ungkup 255 : 1 - 3 “ KAHANJAK DAN KASANANG TE ”**

**4. MANGAKU DOSA (L)** Keleh itah mamparandah arep itah into taharep Hatalla, Tuhan itah, hayak mangaku dosan itah : “Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei”. Amen.

**( UNGKUP MENDENG )**

**5. BARITA ASI SINTAN HATALLA (P)**

Kilau rewar Yesus Kristus, ikei mambarita dengan gagenep oloh ije jari mangaku dosae into taharep Hatalla dengan kabujur atei. Hatalla hamauh : “Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau” (Jesaja 44 : 22)

**( UNGKUP TAU MUNDUK )**

**6. MAMBASA AUH HATALLA,** Keleh itah mahining auh Hatalla ije tarasurat huang Surat Barasih, iete bara Janji ije sulake iete bara **Surat MASMUR** bagi **1** baris **1** sampai **6** je kalotoh auhe :

*Katuah uluh tetek, karusak uluh papa*

**1** Selamat uluh, ije jatun tumun huang uluh papa, jatun kea mendeng hung jalan uluh badosa, dia kea munduk eka uluh panawah panyindir, **2** malengkan ie mangilak Torat Tuhan, tuntang handau hamalem ie maniruk Torat te. **3** Ie te kilau batang kayu, ije jari imbul saran sungei, ije mamua intu wayah, tuntang kare dawee jatun balayu; kare taluh gawie uras batuah.

**4** Uluh papa jatun kalute, malengkan ewen kilau tikil, ije tariup awi riwut.

**5** Tagal te uluh papa jatun kareh mendeng tugur katika hukum, tinai uluh badosa jatun huang ungkup uluh tetek. **6** Karena Tuhan kesene jalan uluh tetek, tapi jalan uluh papa akan rusak.

..... Sampai hete auh Hatalla ije imbasa akan itah katika toh : “*Salamat oloh te, ije mahining auh Hatalla tuntang mahagae jete huang pabelome*”. (Lukas 11 : 28)

**7. MANYANYI bara Nyanyin Ungkup 269 : 1 - 2 “ O HINING WEI ”**

8. **MAMBARITA AUH HATALLA (P)**

- a. Mambasa nast tumon je inukas huang Almanak GKE: **Surat Rasul Johannes (YOHANES)** bagi **17** baris **6** sampai **10** :

*Tuhan Jesus balakudoa intu Bapae: akan muride,  
akan uluh handiai, ije kareh percaya*

**17** <sup>6</sup> Aku jari mangarinah aram akan uluh, ije jari inengam akangku bara kalunen. Ewen puna ayum tuntang ikau jari manenga ewen akangku, maka ewen jari mahaga auhm. <sup>7</sup> Tuh ewen jari kasene taluh handiai ije jari inengam akangku, jete tutu bara ikau. <sup>8</sup> Karana kare auh, ije jari inengam akangku, jari inengaku akan ewen, tuntang ewen jari manarima te, hayak mangasene batantu, aku jari balua bara ikau, tuntang ewen percaya ikau jari manyuhu aku. <sup>9</sup> Aku balaku akan ewen; akan kalunen aku dia balaku, tapi akan uluh te, jari inengam akangku, karana ewen puna ayum. <sup>10</sup> Maka ije ayungku samandiai uras ayum; tinai ije ayum uras ayungku, tuntang aku jari impahai huang ewen.

b. Lakudoa pandak

c. Mambarita Auh Hatalla

d. *PUJI-PUJIAN* :

e. **BALAKUDOA SAFAAT,**

*inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK. TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMEN.*

9. **MANGAKU KAPARCAYA (L)**

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyama kalotoh :

“Aku percaya huang Hatalla, Bapa ije jaton tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah.

Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jaton tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie. ...

...Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pambelom ije katatahie”.

**5 5 | 6 5' 1 1 | 2 1' 4 4 | 3 2 1 2 | 1 . || ( UNGKUP TAU MUNDUK )**  
**Hale-lu-ya, Hale-luya, Hale - lu - - ya !**

10. **MALUPUT PARAPAH (L)** Toh aton katika akan itah manyarah parapah.  
*Huang sembayang Minggu ka-due (2) tuh, tege tambahan kotak maju ka baun, akan mandohop keuangan Majelis Resort GKE Kuala Kapuas.*

- a. Keleh toh itah mahining auh Hatalla bara II Korintus 9 bagi 6 sampai 7, ije hamauh :  
 "Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujan, karena oloh ije rajin manenga, ingilak Hatalla."
- b. **BALAKUDOA** : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.
- c. **UNGKUP MANYANYI** bara **Nyanyin Ungkup 306 : 1 - dst "HUANG KARE GAWI AIM"**

( **UNGKUP MENDENG** )

11. **BERKAT TUHAN (P)** Keleh toh buli dengan kasanang tuntang tarima Berkat Tuhan :  
 "Keleh Tuhan mamberkat keton, tuntang mangalindong keton.  
 Keleh Tuhan manyangkowong baue tambuan kenton tuntang masi keton.  
 Keleh Tuhan manyangkowong baue hunjun keton, hayak manenga kasanang akan keton"  
 (Numeri 6 : 24 - 25)

**1 . 2 3 | 4 . 3 . ' | 2 . 1 . ' | 4 . 2 . | 1 . . . ||**  
**A - - - - - men a - men a - - - men.**

---

**SALAMAT ANDAU MINGGU.. HATALLA MAMPAHAYAK ITAH SAMANDIAI**

**F = 1      110. HAS HANJAK-HANJAK ITAH TOH.**

**4/4                      Lago : L.N. No. 28.**

5̣ | 1 5̣ 3 1 | 5̣ . 4̣ 3 2 | 1 5̣ 1 3 2 . 0  
 Has han-jak han-jak i - tah toh, yoh han-jak ha-li-ai!

5̣ | 2 2 3 3 | 4̣ 3 4̣ 5̣ 3 . 0  
 Te ba - sa hu - ang a - sie te

5̣ 2 2 | 3 3 4̣ 3 4̣ 5̣ | 3 . 0  
 Ha - tal - la mi-ngat o - loh aie,

1 4 . 2 1 7 | 1 . 0 ||  
 Je hung ka - lu - nen toh.

2. Hung Yesus Kristus Anak aie,  
 toh itah handiai,  
 Je harap asie dan kataue,  
 baketep blaku dan manggau  
 tau dinon slamat te.

3. Has itah toh samandiai  
 manyanyi, mampahai,  
 manara toh Hatalla te  
 harajur, tagal asie wei,  
 je bagin oloh aie.

F = 1

255. KAHANJAK DAN KASANANG TE.

2/4

Lago: L.N.No. 60.

5 | 5 . 4 3 3 | 3 4 3 2 1 5 | 1 7 6  
 Ka han jak dan ka sa nang te i ne nga  
 5 3 | 2 3 4 5 3 3 | 2 . 5 7 6 5 4 |  
 Tu han Ye sus wei kan o loh je per  
 6 5 5 | 4 . 3 2 2 | 5 6 5 4 3 5 |  
 ca ya; je to to be lom pa kat wei dan  
 4 . 3 2 2 | 5 6 5 4 3 3 4 | 5 3 4  
 ha rap Ju ru sla mat te ha ra jur  
 5 3 4 | 5 3 5 | 1 . 6 5 4 3 2 | 2 1 ||  
 pa lus da pit, ha ra jur pa lus da pit.

2. Toh keleh itah handiai  
 manumon kare prentah aie,  
 je tinduh tuntang brasih;  
 dan belom akan Tuhan te,  
 nakara itah hanjak wei  
 hong sinta ije toto,  
 hong sinta ije toto.

3. Dan amon dapit itah toh  
 malihi klunen, mangat tau  
 hasupa tinai kanih,  
 te itah slamat haliai  
 manara Tuhan pangkahai  
 hong lewu aie je brasih,  
 hong lewu aie je brasih.

269. O HINING WEI !

Bes = 1

Lago: Es ist noch Raum. R.L. 129

4/4

L.N.P.No. 34.

mf  
 0 5 6 5 | 3 . 0 5 | 6 . 6 i 6 | 5 . 0 3 | 2 . 3 4 5 | 3 . : ||  
 O hining wei! Auh E wang ge li on, ma ra wei i kau toh  
 kan pesta hai, i nyim pan Tuhanku kan o loh handi ai.  
 mf  
 0 5 | i i i i | 2 i i . | 7 . 0 5 | 2 2 2 2 | 3 2 2 . | i .  
 Yoh huang huma ain Hatal la i natap e ka melai a kam.  
 f  
 0 5 6 5 | 3 . 0 5 | 7 . 2 . | i . ||  
 O hining wei O hi ning wei!

2. Has omba wei! Hatalla mentai toh  
 panumah ayum te.  
 O awat ah pabelom ayum toh  
 kan eka slamat te!  
 Toh hindai sayup, O pahari,  
 toh hindai lepah wayah asi.  
 Has omba wei, has omba wei!

306. HUANG KARE GAWI AIM.

F = 1

Lago: L.N.No. 43.

4/4

1 . 2 3 5 | 4 6 5 . | i 5 5 4 3 |  
 Hu ang ka re ga wi aim i ngat Tu han  
 ma ngat hu ang i e wei i kau tau ma  
 2 . 1 . : || 5 5 5 4 4 | 3 5 3 2 . |  
 Ye sus La ku in tu Tu han te,  
 la luse.  
 5 5 5 4 4 | 3 5 2 . | 1 . 2 3 5 |  
 u ka i e me lai ran tep de ngam  
 4 6 5 . ' | i 5 5 4 3 | 2 . 1 . ||  
 ha li ai, han dau dan ha ma lem.

2. Sana ikau misik, yoh keleh blakudoa,  
 mangat Tuhan awi Roh, magah bua-buah  
 ikau huang jalan aie, sampai ikau sanang  
 dan paabas atei aim, uka ikau manang.

3. Asal kare gawim te patut huang Tuhan,  
 jete buah haliai tuntang manatean\*  
 kutoh berkat ije hai, hetoh mahin kea,  
 tinai slamat katatai jeha huang sorga.

4. Yoh pabelom ayungku toh inyarah akam;  
 Dohop mangat aku tau magon rantep dengam.  
 Aloha belom matei, yoh, aku ayum Tuhan;  
 tagal jete aku toh haus manara aram

\*) manatean ----- bara : tatean= jalan, lampat manjadi jalan.